



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

P. De Castronovo Archidiacono Magalonensi.

**urn:nbn:de:hbz:466:1-20006**

rum suarum subsidia impedit vel transmittere attentaverint, quandiu inter nos & ipsos guerra durarit. Verum accedentes nuper ad apostolicam sedem dilecti filii nobiles viri Andreas Donatus & Benedictus Grilion nuntij vestri nobis exponere curaverunt quod ex constitutione hujusmodi civitati vestra proveniret non modicum detrimentum, quae non agriculturis inservit, sed naviis potius & mercioniis est intenta. Nos igitur paterno dilectionis affectu, quem ad vos specialiter habemus, inducti, sub distictione anathematis prohibentes ne in ferro, stupa, pice, acutis pironibus, funibus, armis, galeis, navibus, & lignaminibus paratis, vel imparatis, vendendo, donando, vel commutando Sarracenis ministrare subsidium presumatis, sustinimus ad tempus, donec super hoc aliud dederimus vobis in mandatis, ut in regnum Aegypti vel Babylonis alia inituri commercia, cum necesse fuerit, transfreretis; sperantes quod propter hanc gratiam in subsidium Hierosolymitanæ provinciae debeatis fortius animari; provisuri ne quid in fraudem circa statutum apostolicum presumatis: quia dubium esse non debet eum divina ligari sententia, qui contra propriam conscientiam in elusionem hujus mandati fraudulenter aliquid attentabit. Datum ut suprā.

*EPISCOPO GEVRICENSIS  
& Abbatii de Boccan.*

*Epist. 540.  
De pena corū  
qui crimen falsi  
committuntur.  
Vide infra epist.  
y49.*  
**I**Nauditum falsitatis genus tam novitate nocendi quam præsumptionis audacia universa ferè haec tenus inventa genera falsitatis excedens, perpetratum prædecessorum nostrorum temporibus, nostris est auribus revelatum. Sanè proposuerunt nobis dilecti filii magister R. Præpositus Colocen. & magister I. Archidiaconus Seghediens. quod magister L. Tarvifinus olim ad apostolicam sedem accedens, de regesto felicis recor. Alexandri Papa prædecessoris nostri quandom chartam dolosè surripuit, quam in ea parte dolosè abscondit, qua tribus aliis chartulis, quia fuerat in quaterno medio, jungenbatur, filo integro remanente. Cum autem idem Præpositus eandem nobis chartulam præsentasse, ex eo rem sic se habere cognovimus, quod in proximo præcedenti chartula ejusdem regesti quarundam habebatur principium

literarum, quas eadem pagina terminabat, & rursus circa finem ipsius paginæ quædam literæ fuerant inchoatae, quæ finiebantur in folio subsequenti. Cum igitur hujusmodi falsitatis vitium tanto amplius persequi debeamus, quanto maius posset scandalum generare, cum pro literis de quibus dubium est an à fede apostolica emanarint, ad regestum de consuetudine recurratur, cum etiam vix posset aliquis amplius Rom. Ecclesiam offendere quam si ei regesta & alios liberos surriperet in quibus tam ipsius quam aliarum Ecclesiarum privilegia continentur, discretioni vestre per apost. scripta mandamus atque præcipimus quatenus magistrum P. Strigonien. Præpositum & magistrum Robertum Anglicum & Azonem Presbyterum, quos hujus iniquitatis <sup>\* confitios</sup> consocios esse audiimus, ad veltram præsentiam evocantes, ab eis sub jurejurando veritatem diligenter exquiratis, quo mandante, cuius consilio, quo conscio, & quo procurante tantæ falsitatis crimen fuerit attentatum. Confessionem autem ipsius sub jurejurando factam, redactam in publicam manum, ac vestris sigillis signatam, ad nos sine dilatione aliqua transmittratis. Volumus autem, & sub eadem districione mandamus, ut tam eos, quam alios, qui hujus iniquitatis participes fuisse dicuntur, ad ueritatis assertiōnem, monitione prævia, per suspensionis & excommunicationis sententiam appellatione postposita compellatis. Datum Laterani III. Kalendas Februarij.

*Scriptum est super hoc ferè in eundem modum Patriarchæ Gradenſi.*

*P. DE CASTRONOVO  
Archidiacono Magalonensi.*

*Epist. 541.  
Ipsi archidiaconatum conformat.  
Vide supra epist.  
267.*  
**C**VM olim bona memoria Magalonensis Episcopus, habito dilectorum filiorum P. de Agrifolio Archidiaconi & B. Prioris claustralibus assensu, te ad vacantem archidiaconatum ejusdem Ecclesie nominasset, Præposito ut nullus ibi, nisi prius duplice voce sibi concessa, institueretur, per appellationem interpositam inhibente, Episcopus, tum quia contra antiquam Magalonensem Ecclesie consuetudinem & commune jus canonum esse dicebat aliquem sibi vocem duarum personarum in eadem Ecclesia vendicare, tum quia ex indulgen-

Qq ij

tia bonæ memoriae Celestini Papæ prædecessoris nostri, quam in Capitulo præsente Præposito legi fecit, sibi probabat indultum ut vacantem archidiaconatum vel sacriftiam, si contra personam ab ipso nominatam aliquid rationabile & canonicum non posset legitimè objici & probari, non obstante contradictione vel appellatione conferret, te de præfato archidiaconatu per annum investit, in locum ejusdem corporaliter te inducens. Vnde nominatus Præpositus invidiæ stimulis agitatus, alium ad eundem archidiaconatum præsumpsit postmodum nominare. Cujus facti occasione te & dicto Præposito ad sedem apostolicam accedentibus, nos in minori tunc officio constitutos & dilectum filium nostrum B. tituli sancti Petri ad vincula & bonæ memoriae M. tituli sanctorum Iohannis & Pauli Presbyterum Cardinales habuistis in vestris quæstionibus auditores. Cumque multa hinc inde allegata fuissent, tandem dictus prædecessor noster quod ab utraque parte factum fuerat, pro sua voluntate cassavit, sententiando pronuntians quod aliquibus de provincia scriberet ut tam Episcopum quam personas ad ordinandum concorditer archidiaconatum monerent, & eorum fortè monitis non admissis, hoc ipsi auctoritate apostolica exequi non differrent. Post hac verò Geraldo Ioannino, qui nondum ad diaconatus erat promotus officium, præter conscientiam tuam, cum tunc apud sedem apostolicam pro Episcopo morareris, ipsum archidiaconatum contra propriæ pronuntiationem (sicut credimus) contulit circumventus. Nos igitur inhærentes vestigiis prædecessorum nostrorum dicentium sententiam Romani Pontificis posse in melius commutari, cum aliquid fuerit subreptum, quod de prædicto G. factum fuerat, non obstante donatione quam à venerabili fratre nostro Magalonen, Episcopo in illusionem donationis apostolicæ dicitur recepisse, de communī fratrū consilio in irritum revocavimus, & ei, licet absenti, cum liquidò nobis de subreptione constaret, & in manifestis juxta canonicas sanctiones non sit rigor judicarius observandus, super dicto archidiaconatu perpetuum silentium imponentes, prædicto Episcopo & dilectis filiis Archidiacono & sacriftæ Magalonen, dedimus in mandatis ut

Vide caput  
Cum olim. De  
sent. & re judi-  
cata.

nullius contradictione vel appellatione obstante, infra unius mensis spatiū post literarum nostrarum susceptionem sacerdictum archidiaconatum de persona cui nihil obviaret de canonicis institutis, plena omnium qui præsentes essent interveniente concordia, ordinarent; ne, si forte iterum suboriretur discordia, fierent novissima deteriora prioribus, & error novissimus esset pejor priore. Venerabilis etiam fratri nostro Archiepiscopo & dilecto filio Decano Arelaten, dedimus in mandatis ut ipsis in execuzione mandati nostri cessantibus, iidem nullius contradictione vel appellatione obstante illud exequi non tardarent. Cumque prædicti Episcopus, Archidiaconus, & Sacrista mandatum nostrum infra dictum terminum differrent & negligenter adimplere, prædictus Arelaten, Archiepiscopus attendens personam tuam ad hoc officium non indignam, tibi (sicut ex literis ejus accepimus) archidiaconatum ipsum auctoritate nostra canonicè contulit, & te de ipso per annum investivit. Cum igitur nobis de tua constet idoneitate personæ, quod de te per eundem Archiepiscopum auctoritate mandati nostri legitime factum esse dignoscitur, ratum & firmum habentes, archidiaconatum ipsum tibi auctoritate apostolica confirmamus, & præsentis scripti pagina communimus. Decernimus ergo &c. Datum Laterani VI. Kal. Februarij.

PRIORI ET FRATRIBVS  
de Grandimonte.

Epif. 141.  
Ipsos ad con-  
cordiam & mo-  
taam caritatem  
hortatur.

Cum dilectus filius noster B. frater vester, ortus olim inter fratres Grandismontis dissensione non modica, cum .. tunc Priore suo & aliis multis fratribus ad sedem apostolicam accessisset, quia tunc controversia ipsa non potuit plenè sopiri, idem B. se transferens ad partes Provinciæ, in Avignonensi dioceſi, in terra dilecti filij nobilis viri R. Comitis Tolosani, de concessione bonæ memoriae R. Avignonen. Episcopi, ordinis vestri domum construxit, & in ea cum .. fratre vestro tunc & suo & aliis, quos de novo recepit, fratribus est mortuus. quanquam à morte prædicti Prioris, & post substitutionem alterius, lite quoque per auctoritatem sedis apostolicæ jam sopita, non videatur posse rationabiliter excusari, quod usque nunc ad